

# Kinder

Simeon.

# I. Buch der C. V. VI



Die kinder Simeon waren / Nemuel / Jamin / Jarib / Serah / Gen. 46.  
**D**Saul. Des son war Sallum / des son war Nibsam / des son  
 war Nisima. Die kinder aber Nisima waren Hamuel / des son  
 war Zachur / des son war Simeon. Simeon aber hatte sechzehn  
 Söne / vnd sechs Töchter / vnd seine Brüder hatten nicht viel  
 kinder / Aber alle jre freundschaft mehreten sich nicht als die kinder Juda.  
 Sie woneten aber zu BerSeba / Molada HazarSual / Bilha / Ezem / Tho-  
 lad / Bethuel / Harma / Siglag / BethMarchaboth / Hazarsussim / BethHieri /  
 Saaram / Dis waren jre Stedte / bis auff den König David. Da zu jre Dör-  
 ffer bey Etam / Ain / Rimmom / Thochen / Asan / Die fünff Stedte / vnd alle Dör-  
 ffer die vmb diese stedte her waren / bis gen Baal / Das ist jre wonung vnd je-  
 Sipschafft vnter jnen.

**V**nd Mesobab / Jamlech / Josa der son Amazja / Joel / Jehu der son  
 Josib Ja / des sons Seraja / des sons Asiel / Elioenai / Jaecoba / Jesohaaia / Asaia /  
 Adiel / Ismeel / vnd Benaaia. Sisa der son Siphei / des sons Alon / des sons Jes-  
 daia / des sons Simri / des sons Semaja. Diese wurden namhaftige Fürsten  
 in jren Geschlechten des hauses jrer Vater / vnd teiletet sich nach der menge.

**V**nd sie zogen hin / das sie gen Gedor kamen / bis gegen morgen des Tals /  
 das sie weide suchten fur jre Schafe. Und funden fett vnd gute weide / vnd ein  
 Land weit von rawm / still vnd reich / Denn vor hin woneten daselbs die von  
 Ham. Und die jzt mit namen beschrieben sind / kamen zur zeit Histia des Königs  
 Juda / vnd schlügen jener hütten vnd wonunge die da selbs funden wor-  
 den / vnd verbant sie bis auff diesen tag / vnd woneten an jrer stat / Denn es  
 ware weide daselbs fur schafe. Auch giengen aus jnen / aus den kindern Sime-  
 on / fünfhundert Menner zu dem gebirge Seir / mit jren Obersten / Platja /  
 Nearja / Rephaja vnd Uziel / den kindern Jesei / vnd schlügen die vbriggen ent-  
 trunnene der Amalekiter / Vnd woneten daselbs / bis auff diesen tag.

# VI.

## Kinder Ruben.



Die kinder Ruben des ersten sons Israel / denn er war der erste son / Ge. 35.46  
 Aber damit das er seins Vaters bette verunreiniget / ward seine  
 Erstegeburt gegeben den kindern Joseph / des sons Israel / vnd er  
 ward nicht gerechnet zur Erstengeburt. Denn Juda der mechtig  
 war vnter seinen Brüdern / dem ward das Fürstenthum fur jn  
 gegeben / vnd Joseph die Erstegeburt. So sind nu die kinder Ruben des ersten Num. 26.  
 sons Israel / Hanoch / Pallu / Hezron vnd Charmi.

## Beera.

**D**ie kinder aber Joel waren / Semaia / des son war Gog / des son war  
 Simeon / des son war Micha / des son war Reaia / des son war Baal / des son  
 war Beera / welchen füret weg gefangen ThiglathPilnesser der König von Assyrien /  
 Er aber war ein Fürst vnter den Rubenitern. Aber seine Brüder vnter  
 seinen Geschlechten / da sie vnter jre geburt gerechnet wurden hatten zu Heub-  
 tern Jeiel vnd Sacharja. Und Bela der son Asan / des sons Semaia / des sons  
 Joel / der wonete zu Aroer / vnd bis gen Nebo vnd BaalNeon / vnd wonet ge-  
 gen dem auffgang / bis man kommt an die wüsten ans wasser Phrath / Denn  
 jres viels war viel im lande Gilead. Und zur zeit Saul füreten sie Krieg wi-  
 der die Hagariter / das jene fielen durch jre hand / vnd woneten in jener Hüt-  
 ten gegen dem ganzen Morgen ort Gilead.

## Kinder Gad.

**D**ie kinder Gad aber woneten gegen jnen im lande Basan bis gen Salcha.  
 Joel der fürnemest / vnd Sapham der ander / Jaenai / vnd Saphat zu  
 Basan. Und jre brüder des hauses jrer Vater waren / Michael / Mesullam /  
 Seba / Iorai / Jaecan / Sia vnd Eber / die sieben. Dis sind die kinder Abihail /  
 des sons Huri / des sons Jaroah / des sons Gilead / des sons Michael / des  
 sons Je-